

明太祖革命武功記

署居正



明太祖革命武功記卷十三

湖北蘄春方覺慧纂

征撫內漠元虜記

一、常遇春卒於柳河川，李文忠代領其眾赴援大同。洪武二年八月，大將軍徐達班師還京，時慶陽已平，元主北走屯蓋里，志圖恢復，分路侵擾。東有納哈出可以牽制幽燕，西有王保保可以進窺蘭州，乘大同之虛，遣其將脫列孔興等率重兵攻大同。先是常遇春在，本年六月還軍次柳河川，得疾而卒。李文忠代領其眾，應援慶陽。至是，文忠行至太原，聞慶陽已下，而元兵攻大同甚急。文忠謂副將軍趙庸等曰：「吾與君等受命而來，闔外之事，有利於國，專之可也。今大同受圍，若候進止，吾恐敵益猖獗，難以復制。」

最失事機。僉曰：然。由代入雁門關。九月，師次馬邑。猝遇元邏騎數千。文忠奮兵擊破之，擒元平章劉帖木兒。時大雨雪，文忠疑敵有伏，乃以數騎出入山谷，巡視之。前軍已駐營，去敵五十里。文忠至，命遷之。復前五里許，阻水列營，密遣人間道入大同，報知守將汪興祖。是夜，脫列伯悉銳卒來攻。文忠令將士秣馬蓐，堅壁不動。獨出兩營與之挑戰，相持自寅踰辰。度敵眾飢疲，乃出大軍，分左右翼。文忠身當前鋒，督兵奮擊，大破之。擒脫列伯，獲士兵萬餘，輜重馬匹無算。復以兵追孔興至東勝州莽哥倉而還。孔興走綏德，爲其部將殺之。元主自是氣挫，不復有南侵之志。皇明詠化

類編開基卷三

李文忠以所俘脫列伯等獻京師，上曰：彼亦爲其

主事敗至此，情有可矜，釋之，仍賜冠服。

皇明從信錄卷四七

二遣使致元主及其丞相書 元主因脫列伯被擒明軍

逼近興和勢蹙氣沮上度其無進取之志遂於是年十月十九日遣使致書元主曰朕本布衣昔在田里賴承平之樂忽妖人倡亂海內鼎沸當是時出師者將非不勇兵非不眾城郭非不堅器械非不利終無成功妖人愈熾遂致豪傑並起此天運昭然不言可見朕因羣雄擾攘不能自寧繇是爲眾推戴乘時渡江撫建業之民待天下之清奈何君不能控御致將帥各懷不軌外爲元臣內實自謀靡有戡定禍亂以安生民者朕靜觀羣雄割據荼毒生靈於心不忍乃親率諸將西平湖湘漢沔南取交廣東定吳越入閩兩江皆入版圖方欲息兵以觀君之爲計而君之將臣曰張曰李曰王三人者不爲國謀分據秦晉互相讎殺

民遭荼炭，朕乃命大將軍自前歲出師，繇齊魯經河洛，次及燕城。我師未至，君已棄社稷而去。朕謂君知胡無百年之運，能順天道，歸我中國故土，上策也。未幾，邊將來報，君率殘兵，留連開平。朕思君前日宗社奠安，國用富饒，尙不能削平羣盜，今以孤兵自隨，遠寄沙漠。若欲效漢之匈奴，唐之突厥，出沒不常，以爲邊患，是君計之不審也。方今中國封疆盡爲我有，全二千城之富庶，握羣雄累歲之勁兵，華夏已平，外夷咸附，壯士無所施其勇，智將無所用其謀。而君乃欲與我爲敵乎？君若不思保境土，以存宗祀，而欲吐餘燼於寒灰，是不知天命也。朕發鐵騎四出塞外，精兵百萬，聯陣二千餘里，直抵陰山之北。卽君遁逃，亦出僥倖。春和日暖，沙漠草青，漢兵出塞之時也。霜雪冬寒，則歸而

守險君雖有百萬之眾何能爲戰朕以誠心待人明示機
策使君聞之庶幾改圖易慮安分順天以存宗祀不亦善
乎君其審之賁錄卷六十一月遣元平章長壽等以書諭元

丞相也速曰將軍元之故家父子出將入相宣力王室積
有年矣比者天下多故諸將擅兵類多跋扈往往不善其
終獨將軍恪守臣節堅如金石雖當顛沛之際力奮孤忠
殿後義氣不衰其餘僥倖之徒俱雲逝鳥散嗟哉且古之
將帥當亂亡之時未嘗不假名義以行其私朕於將軍之
節甚有嘉焉近聞塞外逃遁之眾猶逞蜂蠆之餘毒擾我
邊陲豈將軍不能輯士而致然歟今我軍已集幽薊待釁
而動將軍宜深思之上以圖存其君之宗祀下以保全人
民豈不爲識時之俊傑哉茲遣長壽賁書往達朕意將軍

其審之

實錄卷四十七

三、征撫元虜戰略

時明軍旣克北京、元主北走、退駐上

都、以爲根據、東令也、速固守紅羅山爲上都之保障、西令

脫列伯進攻大同、圖復中原、更令王保保側動定西、進取

蘭州、太祖偵知其情、籌之已熟、遂定征撫沙漠、元虜之策、

三年正月、上以王保保爲西北邊患、復命徐達爲征虜大

將軍、李文忠爲左副將軍、馮勝爲右副將軍、鄧愈爲左副

將軍、湯和爲右副將軍、往征沙漠、上問諸將曰、元主遲留

塞外、王保保近以孤軍犯我蘭州、其志欲僥倖尺寸之利、

不滅之不已、今命卿等出師、當何先、諸將皆曰、保保之寇

邊者、以元主猶在也、若以師直取元主、則保保失勢、可不

戰而降也、上曰、王保保方以兵臨邊、今捨彼而取元主、是

亡近而取遠矣、緩急之宜、非計之善、吾意欲分兵二道、一
令大將軍自潼關出西安、擣定西、以取王保保、一令左副
將軍出居庸、至沙漠、攻上都、以追元主、使其彼此自救、不
暇應援、況元主遠處沙漠、不意我師之至、如孤豚之遇猛
虎、取之必矣、事有一舉而兩得者、此是也、諸將皆曰善、遂
受命而行、實錄卷四十八按一二年間、德威並用、克奏膚功、如上
都應昌定西河州、悉歸大明版圖、而彼大漠之雄威、倏焉
消喪、昔者晉先軫有言、一日縱敵、數世之患、太祖之明燭
於幾先、應變於象外、不使敵人稍有一息之機、而休養焉
謂非神武也得乎、迨其後、燕王提軍、肅清元裔、邊患以寧、
皆太祖之貽謀有以成之也、

四、鞏固大同之後防、二月、李文忠率師至興和、先是大

同守將汪興祖率師伐興和元守將舉城降興和地在萬

全都司之外元之上都轄境也地宜牧馬可種稻麥元氏

居民甚蕃庶乃陰山之脊中國自鳳凰山西南有沙城又

度數山圖便至興和爲我國家宣府之保障在焉故奪之

以阨其險要皇明詠化類編開基卷二時上都路所轄之雲州今城爲

元軍所據守焉南進則順寧今化爲之搖動西進則興和

大同爲之截斷故李文忠遣華雲龍進攻雲州拔之獲元

平章火兒忽荅丞相哈海等皇明從信錄卷五既得雲州則順寧

益固焉元之東勝州在河心郡國利病書河套古蹟河套東北舊有

東勝城在東受降城東跨據河北以衛套中九邊圖說李文忠

以追孔興兵至東勝州莽哥倉而還恐胡虜反攻於是遣

大同守禦金朝興率兵進取東勝州獲元平章荆麟等十

八人

皇明從信錄卷五

別遣大同守將汪興祖克武州朔州獲元

知院馬廣等六百人

金邊略記卷二大同略

元四大王復寇武州四

大王元之宗室也初大軍克元都遁入太原靜樂岢嵐山

中聚眾結寨自固至是寇武州劫殺人民指揮鄭亨率兵

擊之追至牛尾莊四大王遁走獲其三大王脫忽的帖木

兒送京師

昭代典則卷六

戍軍之守東勝者亦得轉餉于套至秋

深河水堅合虜或伺間而入然防東勝兵外擊虜輒引去

九邊圖攷宣府考

自是大同後防無顧慮矣

五徐達攻王保保之捷音三月徐達率師至定西王保

保退屯車道嶺既而達進兵沈兒峪

在定西縣北

遣左副將軍

鄧愈直抵王保保壘立棚以逼之上遣使諭達等曰乃者

大軍征西術者言當有水警將軍宜慎防毋忽凡軍士駐

營臨陣、須相度地宜、以備不虞。中原迤西、山川扼塞、一或遇雨、暴水卒至、勢不可測。昔唐裴行儉、晝駐軍平川、暮復入高阜、人莫解其意。其夜平川水溢丈餘、而軍營無患。此其驗也。將軍其慎之。實錄卷五十一四月、大將軍徐達等率兵出

安定、駐沈兒谷口、與王保保隔深溝而壘。日數交戰、王保保遣精兵千餘人、由間道從東下、潛劫東南壘。一軍皆驚。虎賁指揮使潘毅卒於陣。左丞胡德濟倉卒戰於莊浪、失利。達親率兵擊之、敵乃退。斬東南壘指揮趙某及將校數人以殉。軍中股慄。翌晨、整眾出戰。諸將爭奮、遂大敗王保保兵於川北亂塚間。擒元郤王文濟王及國王關思孝平章韓札兒、虎林赤嚴奉先、李景昌、察罕不花等官一千八百六十五人。將校士卒八萬四千五百餘人。馬萬五千二

百八十餘匹、駱駝驢騾雜畜無算、王保保僅與其妻子數人、從古城北遁去、至黃河得流水以渡、遂奔河林、達遣都督郭英追至寧夏不及而還、是役也、徐達以胡德濟失律、械送京師、上念其舊勞、命宥之、仍諭達曰、朕起布衣、克成大業、命將出師、悉由節制、將軍備嘗知之、邇者浙江左丞胡德濟臨事畏縮、將軍不以兵法從事、乃械送京師、必欲朝廷治之、將軍欲效衛青、不斬蘇建、獨不見穰苴之待莊賈乎、且慢軍功者、悉歸之朝廷、則將軍之威玩而號令不行矣、胡左丞之失律、正當就軍中戮之、足以警眾、所謂闔外之事、將軍制之、若送至朝、朝廷必議其功過、又非闔外之比也、彼嘗有救信州之功、守諸暨之勞、故不忍加誅、懼將軍緣此、僥其軍法、用是遣使、卽軍中諭意、自今務威克

厥愛毋事姑息

實錄卷五十一

仍命於達部下聽調

皇明詠化類編開基卷三

六徐達奉諭招撫吐番安定征蜀之後方

是月上遣使

諭達曰爾將命在外軍中事宜與諸將佐熟計行之凡調

發守備計定謀合當卽區處毋事狐疑蓋謀事宜審行事

宜決近聞甘肅一路守兵甚少當量事調撥以守之其吐

番興元就調兵收取二處平後大將軍出漢江順流東下

亦甚利也凡所俘王保保部從及敗而來降者令從伐蜀

蜀平就留以守禦可也

實錄卷五十一

五月己丑朔大將軍徐達

分遣左副將軍鄧愈招諭吐番並進克河州而自將取夏

主明昇所轄之興元路以鞏固征蜀之後方乙未故元陝

西行省吐番宣慰使何瑣南普等降先是擒陝西行省員

外郎許允德招諭吐番十八族大石門鐵城洮州岷州等

處至是何瑱南普以元所授金銀牌印宣勅詣左副將軍
鄧愈軍門降及鎮西武靖王卜納刺亦以吐番諸部來降

實錄卷
五二

七致元幼主書 丙申上遣使致元幼主書曰前者二次
遣使致書久而未還豈被留而然哉以予計之殆君之非
謀也君之意必曰吾嘗爲天下主以四海爲家彼昔吾之
民耳豈可與之通問乎自常情言之固宜以理勢論之則
大不然君者天下之義主顧天命人心何如耳蓋天命之
去留由民心之向背古語曰民猶水也君猶舟也水能載
舟亦能覆舟君豈不知此而乃固執不回乎今日之事非
予所欲實以四方兵爭所在紛擾予當其時不能自寧於
鄉里豈有意於天下乎及羣無所成而予之兵力日以强

盛勢不容已故有今日此誠天命非人力也君又何致怨
於其間耶君其奉天道順人事遣使通好庶幾得牧養於
近塞藉我之威號令其部落尚可爲一邦之主以奉其宗
祀若計不出此猶欲以發兵出沒爲邊民患則予大舉六
師深入沙漠君將悔之無及矣近北平守將以雲川所獲
平章火兒忽荅右丞哈海等八人至京詢之皆君倚任之
人是用待之以不死今再令齎書詣前惟君其審圖之

實錄

卷五

八李文忠進次開平攻取應昌 丁酉左副將軍李文忠
左丞趙庸兵敗元太尉蠻子平章沙不丁朶兒只八刺等
于白海子之駱駝山進次開平執元平章上都罕左丞蓋
元魯留守八失忽都金萬戶等始知元主妥懽帖木兒已

在上月庚申殂于應昌

賓錄卷五十二

遣將軍孫興祖等次三不

利川圖應昌

涿化類編開基卷三

遇胡兵力戰皆歿于五郎口海寧

衛指揮使孫虎率兵至落馬河與元太尉買驢戰死之李

文忠率大兵進攻應昌克其城俘其嫡孫買的里八剌並

后妃嬪王子黑的罕國公荅失帖木兒平章阿里馬溫海

牙獲宋元璽金寶玉策玉鎮圭大圭玉斚玉斧及牛羊駝

馬無算元太子愛猷識里達臘僅以數十騎遁去文忠親

率精騎追至北慶州不及而還

昭代典則卷六

九不許元降臣賀捷亦不許行獻俘之禮詰封故元諸孫

六月戊午朔壬申李文忠捷奏至時百官奏事奉天殿

聞元主殂遂相率拜賀上曰元主守位三十餘年荒淫自

恣遂至如此因謂治書御史劉炳曰爾本元臣今日之捷

爾不當賀也。遂命禮部榜示。凡遇北方捷至，嘗仕元者，不許稱賀。既又以元主不戰而奔，克知天命，謚曰順帝。癸酉，中書省以李文忠所奏捷音榜諭天下，上覽之，見其有哆大之辭，深責宰相曰：卿等爲宰相，當法古名臣，致君於聖賢，何乃習爲小吏浮薄之言，不知大體，妄加詆誚？況元雖夷狄，然君主中國，且將百年，朕與卿等父母，皆賴其生養。元之興亡，自是氣運，於朕何預？而以此張之四方，有識之士，口雖不言，其心未必以爲是也。可卽改之。李文忠遣人送獲故元諸孫買的里八剌等及其寶冊至京師。省臣楊憲請以買的里八剌等獻俘於廟。寶冊令百官具朝進。上曰：寶冊貯之庫，不必進也。古者雖有獻俘之禮，武王伐殷，曾用之乎？憲曰：武王事，殆不可知。唐太宗嘗用之矣。上曰：